

PRAEFATIO.

Continentur hoc libro omnes linguae sanscritae radices et vocabula usitatissima cum verbis graecis, latinis, germanicis, lithuanicis, slavici, celticis comparata, et, quantum fieri potuit, librorum sanscritorum locis illustrata. Plurimae tamen radices apud auctores hactenus nondum repertae sunt, nonnullae tantum in dialecto Vêdicâ occurrunt, aliae cognatis linguis confirmantur. Ita obsoleta radix स्तिच्, cui ascendendi notionem attribuunt grammatici, nostro *steigen*, graeco στείνω, ἔστειλον, russo *stignu* assequor (= स्तिष्मामि), lithuanico *staigio-s* festino, hibernico *staighre* gradus approbatur. Radicem क्यु ire nunc confirmatam videmus vetere linguae persicae dialecto, ubi *s'iyu* (*) item significat ire, unde *as'iyawam* ivi, profectus sum, quod saepius occurrit in memorabili Behistuniensi inscriptione, quam nuper edidit et ingeniose interpretatus est Vir clarissimus H. C. Rawlinson in libro *Journal of the Royal Asiatic Society of Great Britain and Ireland, Vol. X.*

(*) *s'iyu* inserto *i*, quod semivocali *y*, si alia quam *h* eam praecedat consonans, semper anteponitur, pronomine *tya* excepto, inde e. c. *aniya* alius = अन्य, sed *thahyâmahya* appellatur (cum terminatione Parasmaipadi = Vêd. मसि) a radice *thah*, quam non cum Benfeyo (*Die Persischen Keilinschriften* p. 83. s. v. *that*) ad scrt. गद् retulerim, sed potius ad चक् e चकास्, ita ut *h* respondeat sanscrito स्, et *th* sanscrito च = *tsch*, sicut in *thastana*, quod Benfeyus apte ad sanscritum चेष्न refert (l. c. p. 83.). Quod ad sibilantem attinet, quae in radice *s'iyu* respondet sanscrito क्, respiciatur zendicum *pêrêšâmi* et neopersicum *پورسم* *pursem* = scrt. पृच्छामि interrogo, nec non antiquae Persicae radices venire, unde *arasam* veni, quod saepius in inscriptione Beh. occurrit, sanscritoque आर्कम् respondet. Aspiratam autem sibilantem in radice *s'iyu* adhiberi censeo propter sequentem vocalem *i*, quae non raro aspirationem in antecedentem consonantem infert, inde e. c. *am'iya* sum contra *amahya* sumus; ita *d'* (sic cum Holzmannio — *Beiträge zur Erklärung der persischen Keilinschriften* p. 61. — legimus pro Rawlinsonii *t'* et Lassenii *k'h*) nonnisi ante *i* vocalem loco fungitur sanscritorum द् et ध्, e. c. in *yad'iya* si, *prid'iya* χαῖρε, salve, quorum prius convenit cum sanscrito यदि, alterum terminatione aequat formas Vêdicas et Zendicas ut शुधि, *st'uidhi* (gramm. comp. §. 450.). Sanscrito त् respondet *g'* et *g'* (sic cum Holzmannio legimus pro Rawlinsonii *jh, j* et Lassenii *z', g'*), quorum prius invenitur ante *a*, alterum ante *i*, itaque e. c. *g'ad'iya* dele, caede = नहि e हधि, *g'iva* vita = जीव.